



REPUBLIKA E SHQIPËRISË
KESHILLI I MINISTRAVE

VENDIM

Nr. _____, datë _____.2017

PËR

DISA NDRYSHIME NË VENDIMIN NR.1353, DATË 10.10.2008 TË KËSHILLIT TË MINISTRAVE "PËR PËRCAKTIMIN E RREGULLAVE PËR PARAQITJEN E KËRKESËS, MBAJTJEN DHE PLOTËSIMIN E DOKUMENTACIONIT TEKNIK, SI DHE TË KRITEREVE E TË PROCEDURAVE TË ZVOGËLIMIT TË SIPËRFAQES E TË VËLLIMIT TË FONDIT PYJOR" TË NDRYSHUAR"

Në mbështetje të nenit 100 të Kushtetutës dhe të pikës 2, të nenit 17, të ligjit nr.9385, datë 4.5.2005 "Për pyjet dhe shërbimin pyjor", të ndryshuar, me propozim të Ministrit të Turizmit dhe Mjedisit, Këshilli i Ministrave

VENDOSI:

Në Vendimin e Këshillit të Ministrave nr. 1353, datë 10.10.2008, "Për përcaktimin e rregullave për paraqitjen e kërkesës, mbajtjen dhe plotësimin e dokumentacionit teknik, si dhe të kriterëve e të procedurave të zvogëlimit të sipërfaqes së vëllimit të fondit pyjor" të ndryshuar, bëhen ndryshimet si vijon:

1. Në të gjithë tekstin e vendimit, emërtimi "Ministria e Mjedisit" zëvendësohet me "Ministria e Turizmit dhe Mjedisit".
2. Në pikën 5, shkronjat "a" dhe gërma "b", shfuqizohen.

Ky vendim hyn në fuqi pas botimit në "Fletoren zyrtare".

KRYEMINISTRI

EDI RAMA

RELACION

PËR PROJEKTVENDIMIN

“PËR DISA SHITESA DHE NDRYSHIME NË VENDIMIN NR.1353, DATË 10.10.2008, TË KËSHILLIT TË MINISTRAVE “PËR PËRCAKTIMIN E RREGULLAVE PËR PARAQITJEN E KËRKESËS, MBAJTJEN DHE PLOTËSIMIN E DOKUMENTACIONIT TEKNIK, SI DHE TË KRITEREVE E TË PROCEDURAVE TË ZVOGËLIMIT TË SIPËRFAQES E TË VËLLIMIT TË FONDIT PYJOR” TË NDRYSHUAR

I. QËLLIMI I PROJEKTAKTIT DHE OBJEKTIVAT QË SYNOHEN TË ARRIHEN

Amendimi i këtij projektvendimi plotëson kuadrin nënligjor, i cili do të mundësojë lehtësimin e procedurave për subjektet e interesuara për heqje të fondit pyjor për shkak të ushtrimit të aktivteteve ekonomike të miratuara paraprakisht nga një Ministri e linjës.

II. VLERËSIMI I PROJEKTAKTIT NË RAPORT ME PROGRAMIN POLITIK TË KËSHILLIT TË MINISTRAVE, ME PROGRAMIN ANALITIK TË AKTEVE DHE DOKUMENTE TË TJERA POLITIKE

Ky projektvendim është në përputhje me programin e Qeverisë dhe në funksion të iniciativës për të lehtësuar procedurat për qytetarët, dhe nuk cënon mirëadministrimin e fondit pyjor publik.

III. ARGUMENTIMI I PROJEKTAKTIT LIDHUR ME PËRPARËSITË, PROBLEMATIKAT, EFEKTET E PRITSHME

Projektvendimi synon të përcaktojë rregullat për paraqitjen e kërkesës dhe plotësimin e dokumentacionit teknik si dhe procedurat e zvogëlimit të sipërfaqes e të vëllimit të fondit pyjor.

IV. VLERËSIMI I LIGJSHMËRISË, KUSHTETUTSHMËRISË DHE HARMONIZIMI ME LEGJISLACIONIN NË FUQI VENDAS E NDËRKOMBETAR

Projektvendimi është në përputhje me nenin 100 të Kushtetutës dhe del në bazë dhe për zbatim të ligjit 48/2016 “Për disa ndryshime dhe shtesa në ligjin nr.9385, datë 4.5.2005 “Për pyjet dhe shërbimin pyjor”.

V. VLERËSIMI I SHKALLËS SË PËRAFRIMIT ME *ACQUIS COMMUNAUTAIRE* (PËR PROJEKTAKET NORMATIVE)

Ky projektvendim nuk synon përafrim me legjislacionin evropian.

VI. PËRMBLEDEJE SHPJEGUESE E PËRMBAJTJES SË PROJEKTAKTIT

Projektvendimi përbëhet nga 2 pika, ku cilësohen ndryshimet që i duhen bërë Vendimit të Këshillit të Ministrave nr.1353, datë 10.10.2018, “Për disa shtesa dhe ndryshime në Vendimin nr.1353, datë 10.10.2008, të Këshillit të Ministrave “Për përcaktimin e rregullave për paraqitjen e kërkesës, mbajtjen dhe plotësimin e dokumentacionit teknik, si dhe të kriterëve e të procedurave të zvogëlimit të sipërfaqes e të vëllimit të fondit pyjor” të ndryshuar dhe konkretisht:

1. Në të gjithë tekstin e vendimit, emërtimi “Ministria e Mjedisit” zëvendësohet me “Ministria e Turizmit dhe Mjedisit”.

2. Në pikën 5, shkronjat “a” dhe gërma “b”, shfuqizohen. Amendimi i këtij projektvendimi duhet të shoqërohet patjetër me dixhitalizimin e informacionit nga Ministrinë e linjës, të cilat miratojnë veprimtari mbi fondin pyjor dhe kërkojnë heqjen e këtij fondi për pasojë.

Deri sa të kryhet ky proces i dixhitalizimit në mbarë vendin, drejtoria përkatëse në MTM do të ndjekë vetë dhe të koordinojë të gjithë procesin me Ministrinë përgjegjëse për miratimin e veprimtarisë, duke lehtësuar qytetarin për dorëzimin e dokumentacionit të kopjes së noterizuar të lejes apo të dokumentit, me të cilin i është miratuar veprimtaria, nga institucioni i ngarkuar me ligj.

VII. INSTITUCIONET DHE ORGANET QË NGARKOHEN PËR ZBATIMIN E AKTIT

Ngarkohen Ministria e Turizmit dhe Mjedisit, Kryetarët e Bashkive dhe Ministrinë e linjës që kërkojnë heqje nga fondi kullësor, për zbatimin e këtij vendimi.

VIII. MINISTRITË, INSTITUCIONET DHE SUBJEKTET E TJERA QË KANË KONTRIBUAR NË HARTIMIN E PROJEKTAKTIT

Nisma e propozuar për projektvendimin është një nismë e Ministrisë së Turizmit dhe Mjedisit, në kuadër të iniciativës së Qeverisë Shqiptare, për të lehtësuar procedurat e marrjes së dokumentave nga qytetarët. Hartimi i këtij projektvendimi është realizuar nga Sektori i Pyjeve dhe Kullotave pranë Drejtorisë së Programeve të Zhvillimit të Mjedisit. Projektvendimi u dërgua nëpërmjet sistemit e-akteve për komente në Ministrinë e Drejtësisë, Ministrinë e Financave dhe Ekonomisë, Ministrinë e Punëve të Brendshme, në Ministrinë e Bujqësisë dhe Zhvillimit Rural dhe në Ministrinë e Infrastrukturës dhe Energjisë.

Ministria e Punëve të Brendshme dhe Ministrinë e Bujqësisë dhe Zhvillimit Rural janë shprehur parimisht dakort.

Ministria e Financave dhe Ekonomisë dhe Ministria e Infrastrukturës dhe Energjisë nuk është shprehur për këtë projektvendim, edhe pse ka kaluar afati ligjor i dhënies së komenteve. Duke qënë se projektvendimi nuk ka efekte financiare shtesë për buxhetin e shtetit, e konsiderojmë se ky institucion nuk ka komente.

Lidhur me komentet e Ministrisë së Drejtësisë, sqarojmë se:

1. Komenti për rivlerësimin e titullit të projektvendimit u reflektua në projektvendim;
2. Komenti në lidhje me shfuqizimin e shkronjës "ç" të pikës 5 të vendimit nr. 1353/2008, të këshillit të Ministrave, nuk mund të reflektohet, pasi është kopetencë e patjetërsueshme e pushtetit vendor, dhënia e dokartësisë për të vijuar ose jo procedurat për tjetërsimin dhe/ose heqjen e fondit pyjor.
3. Lidhur me komentin për sqarimin nëse procesi i dixhitalizimit do të realizohet në kohën e hyrjes në fuqi të këtij projektvendimi, ju bëjmë me

drejtoria përkatëse në MTM do të ndjekë vetë dhe të koordinojë të gjithë procesin me Ministrinë përgjegjëse për miratimin e veprimtarisë, duke lehtësuar qytetarin për dorëzimin e dokumentacionit të kopjes së noterizuar të lejes apo të dokumentit, me të cilin i është miratuar veprimtaria, nga institucioni i ngarkuar me ligj.

IX. RAPORTI I VLERËSIMIT TË TË ARDHURAVE DHE SHPENZIMEVE BUXHETORE

Zbatimi i projektvendimit nuk ka efekte financiare shtesë për buxhetin e shtetit. Efekti financiar është parashikuar në momentin e miratimit të ligjit 49/2016 “Për disa ndryshime dhe shtesa në ligjin nr.9693, datë 19.3.2007 “Për fondin kullosor”, të ndryshuar”